




A vertical ruler scale from 0 to 10 inches. The numbers 0, 1, 2, 3, 4, 5, 6, 7, 8, 9, and 10 are in black. The number 4 is highlighted in red. A red arrow points to the 6-inch mark.





禮書卷第五十五

司馬遷

宋 陳祥道用之 編

明 張 濬西銘 閱

盛 順順伯 參

圭瓚

璋瓚

大璋

中璋

邊璋

鬱人凡裸玉濯之陳之以贊裸事詔裸將之儀與其  
節裸玉謂圭  
璋瓚大喪及葬共其裸器遂埋之遺奠之義  
與瓚也典瑞裸圭有瓚以肆先王以裸賓客鄭司農云於圭  
頭爲器可以挹

鬯裸祭詩曰瑟彼玉瓚黃流在中國語之鬯圭以肆先王裸先王祭也玄謂肆解牲體以祭因以爲名爵行曰裸漢禮瓚槃大五升口徑八寸下有槃口徑一尺

瓚裸謂始獻酌奠也瓚如槃其柄用圭有流前注

大璋中璋九寸邊璋七寸

玉人裸圭尺有二寸有繅

射四寸厚寸黃金勺青金外朱中鼻寸衡四寸有繅

天子以巡守宗祝以前馬射琰出者也鄭司農云鼻頭也玄謂鼻勺流也凡流皆爲龍口也衡古文橫假借字也衡謂勺徑也三璋之勺形如圭瓚天子巡守

有事山川則用灌焉於大山川則用大璋加文飾也於中山川用中璋殺文飾也於小山川用邊璋半文

飾

王制賜圭瓚然後爲鬯未賜圭瓚則賚鬯於天子郊特牲周人尚臭灌用鬯鬱合鬯臭陰達於淵泉灌以圭璋用玉氣也既灌然後迎牲致陰氣也明堂位

曰灌用玉瓚大圭祭綱曰君執圭瓚裸尸大宗執璋

瓚亞裸

大宗亞裸君夫人有故攝焉

詩棫樸曰濟濟辟玉左右奉

璋

箋云璋璋瓚也祭祀之禮王裸以圭瓚諸臣助之

旱麓曰瑟彼玉瓚黃流

在中

以秬鬯圭瓚箋云瑟潔鮮貌黃流秬鬯也圭瓚之狀以圭爲柄黃金爲勺青金爲外朱中央圭瓚謂之玉瓚黃金所以飾流鬯可知矣

江漢曰

釐爾圭瓚秬鬯

一卣告于文人

卣器也九命錫圭瓚文人文德之人也箋

云王賜召虎以鬯酒一尊使以祭其宗廟告其先祖謂有德美見記也正義曰秬鬯一卣者祭時在喪未祭故自盛之

書文侯之命曰平王錫晉文侯秬鬯

圭瓚又曰用賚爾秬鬯一卣魯語魯饑文侯以鬯圭與玉磬如齊告羅白虎通言九錫之禮曰孝道備者

錫以秬鬯圭瓚宗廟之盛禮也。主以象德金以配情芬香條鬯以通神靈玉飾其末君子之性金飾其中君子之道金者和之至也玉者德美之至也鬯者芬香之至也君子有玉瓚秬鬯乎鄭氏釋小宗伯云天子圭瓚諸侯璋瓚既不得鬯則用薰故王度記云天子以鬯諸侯以薰

圭以象陽之生物璋以象陰之成事王之肆先王禮賓客以裸圭后之亞裸與王之巡守以裸璋此王與后陰陽尊卑之分而宗廟賓客山川内外隆殺之辨也裸圭尺有二寸陽以偶成也大璋中璋

九十邊璋七十陰以奇立也圭璋其柄也瓚其勺也柄則圭璋純玉爲之勺則玉多石少者可矣鄭康成許慎所謂瓚四玉一石是也圭瓚璋瓚則玉爲之三璋之勺則飾以金焉玉人所謂黃金勺青金外是也三璋射四寸厚寸勺鼻寸衡四寸有繅則鼻寸所以流鬯也衡四寸勺徑也繩藉也圭璋瓚制蓋亦如此先儒謂凡流皆爲龍口瓚槃大五升口徑八寸下有槃口徑一尺然古者有圭瓚璋瓚而無下槃有鼻而無龍口先儒之說蓋漢制歟周之時典瑞掌裸圭之名物鬱人掌裸事之儀節

泣玉鬯則大宗伯贊裸將則小宰而內宰贊后之裸獻大宗伯攝后之載裸此王與后祭祀賓客之裸禮也惟天地之神無所用裸故典瑞裸圭止於肆先王玉人裸圭止於祀廟則天地無裸可知禮曰諸侯賜圭瓚然後爲鬯故旱麓詩曰瑟彼玉瓚黃流在中江漢詩曰釐爾圭瓚秬鬯一卣而魯晉之國皆用焉以其有功於民者也祭統所謂君執圭瓚裸尸大宗執璋瓚亞裸鄭曰容夫人有故攝焉此諸侯用圭瓚之禮也周衰禮廢而臧文仲以鬯圭如齊告罷豈知先王所以康周公之意哉書曰王入大

室裸記曰旣灌而後迎牲則尸入裸之然後后再裸焉后再裸則大祭祀而已凡小祭祀蓋一裸也內宰大祭祀后裸獻觀周官行人裸侯伯子男一裸則小祭祀一裸可知記言諸侯相朝灌用鬱鬯此亦賜圭瓚者之禮也未賜圭瓚必資鬯於天子

宗廟禮神之玉

大宗伯有禮天地四方之玉典瑞玉人有祀天旅上帝祀地旅四望祀日月星辰山川之玉特於宗廟言裸圭有瓚以肆先王裸圭尺有二寸有瓚以祀廟則裸圭非禮先王之玉也賈公彥釋大宗伯

謂天地有神玉無鬱鬯。宗廟有鬱鬯。神玉裸用圭璋。用玉氣也。則宗廟之玉裸圭而已。然考之。大宰祀五帝。贊玉幣爵之事。祀神示享。先王亦如之。大宗伯祀大神。享大鬼。祭大示。泣玉鬯。鄭氏皆以玉爲禮神之玉文書稱周公之禱。大王王季文王而植璧秉圭。曾子問稱天子諸侯將出。以幣帛皮圭告于祖廟。反必設奠歛幣玉藏。諸兩階之間。則宗廟之玉非特圭而已。且裸以求神。及神之格斯。然後可得而禮。則裸圭非禮神之物也。裸之所不用者。天地而已。其餘裸以圭璋。又禮以玉而賓客之。

儀猶且裸與造贈異玉。况先王乎。然則典瑞玉人不言宗廟有禮神之玉者。特其文不備耳。

穀圭

大璋

典瑞曰。穀圭以和難。以聘女。玉人曰。穀圭七寸。天子以聘女。蓋穀圭以穀爲文。以善爲義。故可和難。以釋仇。聘女以納徵也。圭貴於璋。璋貴於皮。天子納徵以穀圭。諸侯以大璋。士以儼皮。此尊卑之所別也。然皆玄纁束帛以將之。此尊卑之所同也。士婚禮納徵。玄纁束帛。周禮凡嫁子取妻入幣。純帛。

無過五兩雜記曰納幣一束束五兩兩五尋是也蘇秦傳曰錦繡千純犀首傳曰文繡千純裴駟曰純端名則周禮所謂純帛者匹帛也鄭氏改純爲緇與士婚禮玄纁之制不類其說非也考之經傳大璋有三爾雅璋大八寸謂之琡玉人大璋中璋九寸邊璋七寸射四寸厚寸天子以巡守而諸侯聘女之璋如邊璋制亦謂之大璋則九寸八寸皆可以大璋命之也

琬圭

琰圭

書曰琬琰在西序典瑞曰琬圭以治德以結好琰圭以易行以除慝玉人曰琬圭九寸而縹以象德琰圭九寸判規以除慝以易行行人曰時聘以結諸侯之好殷覩以除邦國之慝鄭康成謂琬圭王使之瑞節諸侯有德王命賜之及諸侯使大夫來聘旣而爲壇會之使大夫執以命事焉琰圭亦王使之瑞節除慝亦於諸侯使大夫來覩旣而使大夫執而命事於壇調人讎弗辟則與之瑞節而以執之鄭康成曰瑞節琰圭也說文曰琰璧上起美色也蓋琬圭圓而宛之也琰圭剡而有鋒也圓而

宛之仁也故以治德以結好剝而有鋒義也故以易行以除慝琰圭判規則圭上圜而判之與凡圭之琰上寸半者異矣康成謂琰圭琰半以上文半爲瑑飾賈公彥曰判半也文云規明半以上琰至首規半以下爲瑑飾可知然琬琰之有瑑飾於經無見此不可考

禮書卷第五十五終

禮書卷第五十六

宋 陳祥道用之 編  
明 張溥西銘 閱  
盛順順伯 參

璧羨

袤一尺廣八寸

爾雅曰肉倍好謂之璧典瑞璧羨以起度玉人璧羨度尺好三寸以爲度鄭司農曰好璧孔也羨徑也鄭康成曰羨不圜之貌延其袤一尺而廣狹焉蓋璧圜九寸好三寸延其袤爲一尺旁各損半寸則廣八寸矣說文曰人手郤十分動脉爲寸口十

寸爲尺周制寸尺咫尋常仞諸度量皆以人之體爲法文曰中婦人手長八寸謂之咫周尺也然則璧羨袤十寸廣八寸同謂之度尺則周制十寸皆爲尺矣以十寸之尺起度則十尺爲丈十丈爲引以八寸之尺起度則八尺爲尋倍尋爲常故繡深十寸內方八寸而爲嘉量幣長一丈八尺而爲制幣凡此皆璧羨縱橫之尺然也度心爲壁以起之則圍三徑一之制又寓乎其中矣起度於璧羨權起於駟琮樂起於黃鍾之長則先王制器豈徒然哉凡以存天下萬世之法耳

瑑圭

八寸

瑑璋

八寸

瑑璧

八寸

瑑琮

八寸

典瑞曰瑑圭璋璧琮以覩聘玉人曰瑑圭璋八寸璧琮八寸以覩聘又曰瑑琮八寸諸侯以享夫人行人合六幣圭以馬璋以皮璧以帛琮以錦琥以繡璜以黼此六物者以和諸侯之好故鄭康成曰五等諸侯享用璧享后用琮其大各如其瑞二王之後享用圭璋其於諸侯亦用璧琮耳子男

於諸侯則享用琥璜下其瑞也。凡二王後諸侯相享之玉大小各降其瑞一等。及使卿大夫覲聘亦如之。史記樂書曰：情好珍善爲之。瑑磨圭璧以通其意。蓋玉有朝覲之玉。有覲聘之玉。有享獻之玉。禮於朝覲之玉言其所。瑑桓躬信穀蒲是也。覲聘之玉言瑑而已。瑑圭璋璧琮以覲聘是也。鄭司農曰：瑑有折鄂起。若夫享獻之玉。諸侯以享天子。則不瑑。玉人謂璧琮九寸。諸侯以享天子是也。諸侯以享夫人則瑑。玉人謂瑑琮八寸。諸侯以享夫人是也。覲禮侯氏觀天子三享皆束帛加璧。禮器曰束帛加璧。

尊德也。郊特牲曰：束帛加璧往德也。夫諸侯相朝而享夫人以琮聘卿亦享夫人以琮則諸侯享后亦必以琮。諸侯享王以璧聘卿享君亦以璧。則諸侯相享亦必以璧。玉人言璧琮以享天子。則后舉矣。言瑑琮享夫人則璧舉矣。鄭氏曰：五等諸侯享天子用璧。享后用琮。其大各如其瑞。皆有庭實以馬。若皮用圭璋者二王之後也。二王後尊故享用圭璋而特之。其於諸侯亦用璧琮耳。子男於諸侯則享用琥璜下其瑞也。凡二王後諸侯相享之玉大小各降其瑞一等。及使卿大夫覲聘亦如之。考

之聘禮享君以璧而有庭實與馬特行人合六幣言圭以馬璋以皮而圭璋在璧琮之上則圭璋爲二王後之禮可知公瑞桓圭九寸諸侯享王亦璧琮九寸諸侯卽公也則璧琮各如其瑞可知公侯伯之瑞以圭而享以璧琮下其瑞也子男之瑞以璧而享諸侯亦璧非下其瑞也則享用琬璜可知

賈公彥曰子男之臣自享諸侯不得過君蓋用琬璜

公享夫人瑑琮八寸使卿大夫覲聘亦瑑圭璋璧琮八寸降其瑞一等則

諸侯相享之玉大小各降其瑞一等及卿大夫覲聘亦如之可知

賈公彥曰直言覲聘亦如之則聘享皆降一等同

玉人言

諸侯以享而不言公言瑑圭璋璧琮而不及公鄭氏知其爲公何也弁師諸侯之繅斁九就公之繅斁也聘禮所以朝天子圭與繅皆九寸公之圭繅也禮之所言舉尊以明卑多矣奚獨玉人然哉聘禮曰凡四器者惟其所寶者而已此又先王權於禮者也楚之類惟其所寶者而已此又先王權於禮者也楚遠歎疆曰朝聘有圭享覲有璋蓋朝聘之禮嚴於享特聘之禮重於殷覲故圭璋所用如此然諸侯之臣聘后夫人以璋二王之後享王以圭則啟疆之言亦有其大率者也夫圭璋象陰陽之用璧琮

象天地之體故天子公侯伯之瑞以圭子男璧聘  
卿聘以圭享以璧琮又圭璋特達璧琮有幣則圭  
璋貴於璧琮矣至於禮神各以所象求之此璧琮  
又重於圭璋

合六幣

圭以馬

璋以皮

璧以帛玄纁

琮以錦

琥以繡

璜以黼

行人合六幣圭以馬璋以皮璧以帛琮以錦琥以  
繡璜以黼何也昔大王之於狄人事之以皮幣繼  
之以犬馬終之以珠玉是珠玉重於犬馬犬馬重  
於皮幣則合圭以馬合璋以皮宜矣繡黼皆陰功  
也繡則五色之全黼則白黑而已是繡備於黼也  
則合琥以繡合璜以黼宜矣婚禮納徵以束帛饗  
贈送者以束錦聘禮享君夫人以束帛覲以束錦  
上大夫與下大夫致賓介饗餼皆以束帛賓介賓  
之以束錦食禮君侑幣以束帛大夫相食以束錦

是帛質於錦也。則合璧以帛合琮以錦宜矣。圭東方也。馬動物也。璋南方也。皮文物也。璧天象也。天事質故以帛。琮地象也。地事文故以錦。琥西方也。萬寶之成莫備於此。故以繡璜北方也。陰陽之辨莫斷於此。故以黼此六幣所以合之之意也。皮馬不上堂故圭璋。特然則璧琮琥璜皆非特達者歟。

玉案二十有十

說文曰案几屬玉人曰案十有二寸棗案十有二列諸侯純九大夫純五夫人以勞諸侯。鄭司農曰案玉案也。鄭康成曰玉飾案也。夫人王后也。記時

諸侯僭稱王而夫人之號不別是以同王后於夫人也。玉案十二以爲列王后以勞諸侯也。諸侯皆九列聘大夫皆五列則十有二列者勞二王之後也。聘禮夫人使下大夫勞以竹簋方玄被纁裏有蓋其實棗蒸擇則棗實之器乃加於案也。然玉人所言皆玉器非玉飾之器則所謂案者非玉飾者也。酒正漿人有后夫人致飲于賓客之禮則是賓客之禮王夫人預焉非必記時諸侯夫人與王后同號也。

環

爾雅曰肉好若一謂之環春秋傳曰子見南子環佩璆然又曰魯公賜仲環賜子家子一環一璧又曰宣子有環其一在鄭商六年左昭十晉語夷吾在梁驪姬使奄楚以環釋言荀子曰絕人以玦反絕以環范甯釋穀梁亦曰君賜之環則還賜之玦則往益環之爲物或施於佩或施於反絕佩環則不佩玦故晉獻公佩申生以金玦所以離之也反絕以環不以玦故晉驪姬使奄楚以環釋言於夷吾將以還之也韋昭曰環還也然環有以金銀爲之其制益與玉環不同毛公釋詩曰后妃群妾以禮御於君所

女史書其日月授之以環以進退之生子月辰則以金環退之當御者以銀環進之著于左手既御著于右手其言蓋有所受也

瑗

爾雅曰好倍肉謂之瑗說文曰瑗大孔璧人君上除陛以相引荀子曰召人以瑗說者曰周禮珍圭以徵守然則天子以珍圭召諸侯諸侯召臣以瑗考之於禮君召臣以三節一節以走一節以趨天子徵諸侯則以珍圭非諸侯則以瑗歟

禮書卷第五十六終

禮書卷第五十七

宋 陳祥道用之 編

明 張溥西銘 閱

盛順順伯 參

節

掌節掌守邦節而辨其用以輔王命

邦節者玲圭牙璋穀圭琬圭琰

圭也王有命則別其節之用以授使者輔王命者執以行爲信

守邦國者用玉節守

都鄙者用角節

玉節之制如玉爲之以命數爲大小角用犀角其制未聞

凡邦國

之使節山國用虎節土國用人節澤

用龍節皆金

也以英蕩輔之

使節使卿大夫聘於天子諸侯行道所執之信也土平地也山多虎平地多

禮書

卷五十七

一

人澤多龍以金爲節鑄象焉必自以其國所多者於以相別爲信明也今漢有銅虎符杜子春云蕩當爲帑以函器盛此節或曰英蕩畫函也門闕用符節貨賄用璽節道路用旌節皆有期以反貈

門關司門司關也貨賄之官謂司市也道路者主通貨賄之官謂司市爲之節由關者司關爲之節其商則司市爲之節其以徵令及家徒則鄉遂大夫爲之節唯時事而行不出關不用節也變司市言貨賄者璽節主以通貨賄非必由市或資於民家焉變鄉遂言道路者容公邑及小都大都之吏皆主治五涂亦有民也符節者如今宮中諸官詔符也璽節者今之印章也旌節今使者所擁節是也將送者執此節以送行者皆以道里日時課如今郵行有程矣以防客姦擅有所通也凡節者法式藏於掌節凡

也輔之以傳者節爲信耳無節者有幾則不達

圓士傳說所齋操及所適也

正義曰角用犀角者案釋獸云犀似豕注云角在鼻上犀角是角中之貴故知不得用玉者當用犀角案小行人都是角中之貴故知不得用玉者當用犀角案地之吏也都用管節注謂公之子弟及卿大夫之采管節亦異内外也山多虎者謂晉國之類也平地多人者若衛國之類也澤多龍者若鄭國之類也輔之者以節使不損壞也案昭二十九年公在鄆賜公行羔裘使獻龍輔於齊侯注龍輔玉名所以輔龍節與此別也太史公本紀漢文帝二年九月初與郡國守相爲銅虎符竹使符應劭曰銅虎符第一至第五國家當發兵遣使者至郡國合符符合乃聽受之竹箭五枚長五寸鐫刻篆書第一至第五張晏曰符以代古之圭璋從簡易也鄭引之者欲明漢時銅虎符本出於此也

節山國用虎節澤國用龍節皆以金爲之道路用旌節門闕用符節都鄙用管節皆以竹爲之

此謂邦國之者使之四方亦皆齊法式以齊等之也諸侯使臣行覲聘則以金節授之以爲行道之信也虎人龍者豐書

自其國象也。道路謂鄉遂大夫也。都鄙者公之子弟及鄉大夫之采地之吏也。凡邦國之民遠出至他邦他邦之民若來入由國門者門人爲之節。由關者關人爲之節。其以徵令及家徒鄉遂大夫及采地吏爲之節。皆使人執節將之以達之。亦有期以反節管。如今之竹使符也。其有商者通之以符節。如門關門關者與市聯事節可同也。亦所以異於畿內也。凡節有天子法式存於國正義曰行人亦是適四方之事言達天下之六節者據諸侯國而言。掌節所云據畿內也。虎節人節十龍節三者據諸侯使臣出聘所執。旌節符節管節三者據在國所用。案掌節注變鄉遂言道路者。容公邑大夫及小都大都之吏。今此旌節中何知不亦容都鄙之吏。而以都鄙吏在管節中者。彼都鄙用角節文在上。當直是都鄙之主。此都鄙用管節。最在下。明都鄙吏在其中。若然邦國之中都鄙主及吏同用管節矣。云亦所以異於畿內也。者畿內貨賄用璽節。門關用符節。是異也。調人凡和難弗辟則與之瑞。圭也。瑞節琰。行人凡其使也必以旌節雖道節而以執之。

路有難而不時必達比長若徙于他則爲之旌節而行若無授無節惟園土內之鄉大夫國有大故以旌節輔令則達之。大司徒若國有故則制萬民於王門令無節者不行於天下。司牧凡歲時有天患病則以節巡國中及郊野以王命施惠布憲正月之吉執旌節以宣布于四方。而憲邦之刑禁掌交掌以節與幣巡邦國之諸侯及其萬民之所聚司險若國有故則藩塞阻路而止行者惟有節者達之。懷方氏達之以節野。盧氏凡有爵及有節者至則爲之辟周語先王爲贊幣瑞節以鎮之。敵國賓至關氏以告行理以

節逆之。

八節

玉節

鄭氏曰玉節之制以玉爲之以命數爲大小

角節

鄭氏曰角用犀角其制未聞

龍節

金爲之

人節

金爲之

虎節

金爲之

符節

管節

旌節

節之爲物或以玉或以角或以金或以竹或用以守或用以使或用以民周官掌節之所掌者八玉節也角節也虎節也人節也龍節也符節也璽節也旌節也小行人之所達者六虎節也人節也龍節也旌節也符節也管節也掌節守邦國者用玉節守都鄙者用角節此用以守者也山國用虎節土國用人節澤國用龍節皆金爲之此用以使者也門關用符節貨賄用璽節道路用旌節皆有期以反節此用於使與民者也

行人凡其使也必以此長若徒子他則爲之旌節以達之此民所執也

析竹爲符節全竹爲管

節小行人有管節而掌節無之者掌節所掌謂之邦節以輔王命則所謂邦國之使節使邦國者所執也

鄭氏謂使卿大夫聘於天子諸侯誤也

小行人所達謂之天下

之節則所謂龍節人節虎節管節邦國都鄙使者所執非王官所掌也掌節無都鄙之使節以使都鄙者無節特以旌節行之也小行人無璽節以其所掌者使節而貨賄之事不預也然節不持八節六節而已典瑞珍圭以徵守以恤凶荒牙璋以起軍旅琬圭以治德以結好琰圭以除慝以易行穀圭以和難以聘女鄭氏皆以爲王使之瑞節則珍

圭牙璋琬圭琰圭穀圭使者爲信於所適者也龍節虎節人節符節旌節行人爲信於道路者也調人凡和難弗辟則與之瑞節而以執之此琰圭耳則琰圭不特施於使者民亦與之也書康誥曰越小臣諸節春秋之時宋司馬握節以死司城效節於府人而去司馬牛致其邑與珪而適齊杜預曰珪守邑之信符則守節不特於邦國都鄙雖官府小臣亦有之也考工記牙璋穀圭七寸琬圭琰圭九寸漢竹使符竹箭五枚長五寸然則先王之節其長蓋亦不過於此若夫旌節之制又加長焉觀蘇武之杖

節則非以寸計之也。漢竹使符銅虎各分其半。右留京師。左付郡守。唐符璽郎。凡國有大事。則出納符。節班其右。而藏其左。先王之節。其班藏。蓋亦如此。然老子曰。執左契。不責於人。則藏其右者。非是。

英蕩

掌節。凡邦國之使節。山國用虎節。土國用人節。澤國用龍節。皆金也。以英蕩輔之。鄭氏曰。使節使卿大夫聘於天子。諸侯行道所執之節也。杜子春蕩當作帑。謂以函器盛此節。或曰英蕩。畫函考之於經。禹貢揚州貢篠蕩。大射禮蕩在建鼓之間。則蕩輔。主命特虎人龍節而已。非輔其它也。

傳  
竹也。詩曰。二矛重英。又曰。朱英綠縢。則英飾也。節之函。以竹爲之。而有飾焉。先儒以爲畫函。其說是也。言凡邦國之使節。則使邦國者之所執。非邦國使者之所執也。言皆金也。以英蕩輔之。則英蕩之輔。主命特虎人龍節而已。非輔其它也。

司關凡所達貨賄者。則以節傳出之。鄭氏曰。商或取貨於民間。無璽節者。至關關爲之璽節。及傳出之。其有璽節。亦爲之傳傳。如今移所過文書節。凡通達於天下者。必有節。以傳輔之。鄭氏曰。節爲信

耳傳說所齋操及所適蓋掌節所謂傳者。凡通達於天下之節有傳也。司關所謂傳者。璽節之傳也。漢制門關用傳兩行書繒帛分持其一出入合之。豈古之遺制歟。文帝十二年除之。景帝四年又復之。除之於無虞之時。復之於有警之後。然先王之於天下先事而事。先患而慮。不爲無虞而輕廢。不爲有警而後設。

璽

周禮掌節貨賄用璽節職金掌凡金玉錫石丹青之戒令受其入征者辨其物之媿惡與其數量揭

而璽之左氏曰季武子取卞使公冶問襄公璽書追而與之。鄭杜皆曰璽印也。漢舊儀曰璽皆白玉螭虎細文曰皇帝行璽。皇帝之璽。皇帝信璽。天子行璽。天子之璽。天子信璽。凡六璽。衛宏漢舊儀曰諸侯玉印。黃金橐它。鈕文曰璽。列侯黃金印。龜鈕文曰印。丞將將軍黃金印。龜鈕文曰章。中二千石銀印。龜鈕文曰章。千石六百石四百石銅印。臯鈕文曰印。唐符寶郎武后改符璽  
郎爲符寶郎掌天子八寶及國之符節。釋名曰印信也。說文曰執政所持信也。孫堅得傳國璽。方圍四寸。上有鈕文盤五龍。然則漢

天子之璽其方不過四寸諸侯王以下其小又可知也。

禮書卷第五十七終

禮書卷第五十八

宋 陳祥道用之 編

明 張溥西銘 閱

盛 順順伯叅

幣帛

帛錦附

儀禮士冠禮乃醴賓以壹獻之禮主人酬賓束帛儻皮士婚禮納吉用鴈如納采禮納徵玄纁束帛儻皮婚姻禮用玄纁者象陰陽備也束帛儻皮十端也周禮曰凡嫁子取妻入幣舅饗送者以一獻之禮酬以束錦送者女家有司也爵至婦人送者酬以束錦婦人送者隸子弟之妻妾凡饗速之若異邦則贈丈夫送

者以束錦納徵執皮攝之內文兼執足左首隨入西上參分庭一在南攝猶辟也兼執足者左手執前兩足右手執後兩足左首象生曲禮曰執禽者左首隨入爲門中陝陝西上中庭位併賓致命釋外足見文主人受幣士受皮者自東出于後自左受遂坐攝皮逆退適東壁賓致命主人受幣庭實所用爲節若不親迎則婦入三月然後婿見主人醴以一獻之禮主婦薦奠酬無幣賓客無幣異於士相見之禮凡執幣者不趨容彌慾以爲儀聘禮宰書幣命宰夫官具及期夕管人布幕于寢門外官陳幣皮北首西上加其奉於左皮上馬則北面奠于其前史讀書展幣受享束帛加璧受夫人之聘璋享

玄纁束帛加琮皆如初享獻也既聘又一獻所以厚恩惠也帛今之璧色繪也入境斂旛乃展布幕賓朝服立于幕東西面介皆北面東上賈人北面坐拭圭遂執展之上介北面視之退復位退圭圭璋尊不陳之陳皮北首西上又拭璧展之會諸其幣加于左皮上上介視之退馬則幕南北而矣幣于其前展夫人之聘享亦如之賈人告于上介上介告于賓展夫人聘享上介不視貶於君也賈人既以告賓有司展群幣以告群幣私觀及大夫有司載幣者自展自告及郊又展如初及館展幣於賈人之館如初賓至于近郊君使卿朝服用束帛勞賓賓用束錦償勞者賓裼奉束

帛加璧掌賓者入告出許庭實皮則攝之毛在內內攝之人設也賓止也賓執梁與涪之西序端不敢食於尊處主人辭賓反之卷加席主人辭賓反之辭幣降一等主人從從辭賓降受侑幣再拜稽首主人送幣亦然微辭於主人降一等主人從從辭東面再拜降出拜亦拜其亦親徹于西序端謂辭具禮若不親食則公作大夫朝服以侑幣致之觀禮至于郊王使人皮弁用璧勞侯氏侯氏束帛乘馬償使者再拜受侯氏再拜送幣使者所以天子賜舍侯氏再拜稽首受館償之束帛乘馬饗禮乃歸禮謂食燕也王

或不親以其禮幣致之畧言饗禮互文也掌客職曰上公三饗三食三燕侯伯再饗再食再燕子男一饗一燕士虞禮卒哭明日以其班祔鄭氏曰卒哭成事而後主各反其廟然則士之皇祖於卒哭亦反其廟無主則反廟之禮未聞以其幣告之乎太宰之職以九賦斂財賄九曰幣餘之賦祀五帝及祀之日贊玉幣爵之事玉幣所以禮神玉與幣各放其方之色祀大神示亦如之朝覲會同贊玉幣玉獻玉幣諸侯享幣也其合亦如小行人所合六幣小宰凡祭祀贊玉幣爵之事凡賓客贊裸凡受幣之事大府幣餘之賦以待賜予職幣掌式法以歛官府都鄙與凡用邦財者之幣振掌事者之餘財皆辨其物而奠

其錄以書揭之以詔上之小用賜予內宰凡建國佐后立市出其度量淳制純制天子巡狩禮所云  
幣丈八尺純四邪與大宗伯孤執皮帛以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方皆有牲幣各放其器之色幣以從爵若飲酒有酬幣若國有貞則奉玉帛以詔號大賓客受其將幣之齋謂所齋束貢肆師之職掌立國祀之禮以佐大宗伯立大祀用玉帛牲牷立次祀用牲幣立小祀用牲占人凡卜筮旣事

則繫幣以比其命歲終則計其占之中否

杜子春云繫幣者以

帛書其占繫之於龜也玄謂旣卜筮史必書其命龜之事及兆於策繫其禮神之幣而合藏焉

大祀

六曰幣號幣量云校人凡賓客受其幣馬

賓客之幣馬來朝聘而享

王凡國之使者共其幣馬

使者所用私覲

行人凡大國之孤

執皮帛以繼小國之君若有四方之大事則受其幣聽其辭小行人凡諸侯入王則逆勞于畿及郊勞眡館將幣爲承而攢合六幣圭以馬章以皮璧以帛琮以錦琥以繡璜以黼此六物者以和諸侯之好故司

儀將合諸侯則令爲壇三成及其攢之各以其禮公於上等侯伯於中等子男於下等其將幣亦如之其禮亦如之

將幣享也致饔餼還圭饗食致贈郊送皆如將

幣之儀此六禮者惟饗食速賓耳其餘主君親往親往者賓爲主人主人爲賓君如有故不親饗

食則使大夫以酬幣侑幣致之。凡諸侯之交各稱其邦而爲之幣。以其幣爲之禮象胥。凡軍旅會同受國客幣而賓禮之掌。訝待賓客及將幣爲前驅。道之以如朝曲禮幣曰量幣。檀弓曰伯高之喪孔氏之使者未至冉子攝束帛乘馬而將之。孔子曰異哉徒使我不誠於伯高王制曰玉成器不粥於市。月令曰仲春之月祀不用犧牲用圭璧更皮幣。禮運列祭祀瘞繒。埋牲曰瘞禮器圭璋特琥璜爵郊特性曰旅幣無方所以別土地之宜而節遠邇之期也。束帛加璧往德也。曾子問曰天子將

出告于祖廟以幣帛皮圭諸侯適天子告于社稷宗廟山川用牲幣又曰君薨大子生犬祝裨冕執束帛升自西階升奠幣于殯東几又曰凡告用牲幣反亦如之。牲當爲制字之誤也。制幣一丈八尺。禮器曰大廟之內敬矣。君親率牲夫人贊幣而從鹿鳴燕群臣嘉賓也。旣飲食之又實幣帛筐篚以將其厚意然後忠臣嘉賓得盡其心矣。

飲之而有幣酬幣也。食之而有幣侑幣也。正義之者案公食大夫禮賓三飯之後公受宰夫束帛以侑注云主國君以爲食賓殷勤之意未至復發幣以勸之欲其深安實也是禮食用幣之意也。饗禮亡準此亦安賓而酬之焉案聘禮云君不親食使大夫朝服致之以侑幣又曰致饗以酬幣亦如之是親食有

脩幣不親食則以脩幣致之然則不親饗以酬幣致之明親饗有酬幣矣故知飲之而有幣謂酬幣也鄭以飲爲饗者以飲食連之若飲食爲一則食禮不主於飲若飲爲燕禮不宜又在食上且饗食相對之物有食不宜無饗其幣所同公食大夫用束帛以脩其酬幣則無文故聘禮注云酬幣饗禮酬賓勸酒之幣所用未聞也禮幣用束帛乘馬亦不是饗所用幣無正文也禮幣用束帛乘馬謂聘享之幣聘享止用束帛乘馬而已脩幣又用束帛乘馬故云亦不是過言諸侯於大夫酬幣不過是也其天子酬諸侯及諸侯自相酬幣不必用束帛乘馬故聘禮注又引禮器曰琥璜爵蓋天子酬諸侯也必疑琥璜爲天子酬諸侯之幣者以琥璜非爵名而云爵明以送爵也食禮無爵可送則琥璜饗所用也謂饗時酬賓以琥璜將幣耳大夫合六幣琥以繡璜以黼則天子酬諸侯以黼繡而琥璜特之既天子饗諸侯之酬幣與諸侯異則食禮天子脩諸侯其幣不必束帛無文以言之此唯言享食之幣不言燕幣燕禮亦當有焉但今燕禮惟有好貨無幣故文不顯言之左氏昭五年公如晉自郊勞至于贈賄

無失禮又晉韓宣子如楚楚薳啟疆曰宴有好貨飧有陪鼎人有郊勞出有贈賄禮之至也十年晉葬平公鄭子皮將以幣行子產曰喪焉用幣用幣必百兩百兩必千人二十六年申豐以幣錦二兩縛一如瑱適齊定六年陽虎使孟懿子往報晉夫人之幣晉語晉侯使隨會聘于周定王享之餚烝范子曰此何禮也王召士季曰女今我王室之一二兄弟體解節折而飲食之酬幣宴貨以示容合好定王使劉康公聘於魯發幣於大夫晉厲公克楚使郤至告慶于周未將事王叔簡公飲之酒交酬好貨皆厚交酬飲之幣飲酒

燕語相悅也。晉羊舌勝聘于周，發幣於大夫及單靖公。靖公享之儉而敬，賓禮贈餞，視其上而從之。魯語哀姜至公使大夫宗婦覲用幣。用幣與大夫同幣。吳伐越，使來好聘，獲骨焉，節專車，賓好幣於大夫及仲尼爵之既徹俎而宴。獻酬禮畢，徹俎而宴飲也。客執骨而問晉語王饗禮命公胙侑。胙，賜祭肉。侑，侑幣。

### 祭祀用幣之禮

肆師立大祀用玉帛牲牷，立次祀用牲幣，立小祀用牲。先儒謂大祀天地宗廟也，次祀日月星辰，社稷五祀五嶽也。小祀司中司命風師雨師山川百

物也。然典瑞祀日月星辰有圭璧祀山川有璋邸射小宰。凡祭祀皆贊玉幣爵之事，則用玉。特大祀用幣不特次祀而已。肆師掌立國祀之禮，而玉帛牲幣用否不同如此。蓋始立國祀與凡祭祀異矣。用幣之禮，其色則天地四方各象其類。大宗伯曰：各放其器之色是也。宗廟則玄纁雜焉。聘禮制玄纁是也。鄭康成曰：玄纁之率，玄居三，纁居二。其數則十端爲東。曾子巡狩禮謂制幣長丈八尺是也。其奠則或於几上，或於几下。曾子問奠於殯東，凡上聘禮奠于室。

中几下是也。其埋則廟階之間。曾子問歛幣玉藏諸兩階之間。聘禮埋于西階東是也。天子則職之以太宰小宰。周禮太宰小宰贊幣是也。諸侯則小宰。曾子問世子生小宰舉幣是也。大夫則祀而已。聘禮祝入取幣是也。先儒謂有燔瘞之幣。有禮神之幣。有從爵之酬幣。禮神之幣。則帛在牲上。若大祀用玉帛牲全是也。從爵之幣。帛在牲下。若牲幣各放其器之色是也。牲幣各放其器之色。則禮神者也。酬幣之說。於賓客有之。不聞祭祀有是禮也。賈公彥曰。鄭以獻尸從爵之幣無文故以生人飲酒之禮况之。案聘禮饗時有酬幣則獻

饗食燕用幣之禮

聘禮公於賓一食再饗。燕與羞。倣獻無常數。賓介皆明日拜于朝上。介一食一饗。若不親食。使大夫各以其爵朝服致之。以侑幣。如致饔。無償致饗。以酬幣。亦如之。大夫於賓一饗。一食上介。若食若饗。若不親饗。則公作大夫致之。以酬幣。致食以侑幣。公食大夫禮賓三飯。公受宰夫束帛以侑。西鄉立。賓降。辭幣升聽命。降拜。公辭賓升。再拜稽首。受幣。賓降。公再拜。介逆出。賓北面揖。執庭實以出。公降立上介。受賓幣。從者

戶後酬尸時亦有幣之從爵也。

訝受皮若不親食使大夫各以其爵朝服以侑幣致之大夫相食侑幣束錦也若不親食則公作大夫朝服以侑幣致之郊特牲曰禮有以少爲貴者圭璋特琥瑣爵左氏曰虢公晉侯朝王王饗醴命之宥皆賜玉五縠馬三匹又曰王饗禮命晉侯宥又曰秦后子享晉侯歸取酬幣終事八反又曰宴有好貨詩鹿鳴曰我有嘉賓鼓瑟吹笙吹笙鼓簧承筐是將序曰旣飲食之又實幣帛筐篚以將其厚意周語晉隨會聘于周定王享之餚烝范子私於原公曰吾聞王室之禮無毀折今何禮也王曰親戚宴饗則有餚烝酬幣宴

貨以示容合好周語王叔簡公飲郤至酒交酬好貨皆厚

食有侑食故有侑幣饗有酬爵故有酬幣儀禮公食大夫侑以束帛而庭實以皮大夫相食以束錦此食有侑幣也聘禮公於賓若不親食使大夫致之以侑幣致饗以酬幣亦如之大夫於賓若不親饗則公作大夫致之以酬幣致食以侑幣士婚禮舅饗送者以一獻之禮酬以束錦姑饗婦人送者酬以束錦春秋之時虢公晉侯朝王王饗醴命之宥皆賜玉五縠馬三匹秦后子享晉侯歸取酬幣

終事八反魯侯享范獻子莊叔執幣此饗有酬幣也燕禮無用幣之文特鹿鳴之詩燕群臣嘉賓言承筐是將序曰旣飲食之又實幣帛筐篚以將其厚意則所謂飲食者燕與食耳此燕有酬幣也孔穎達以飲食爲饗食非詩意也春秋之時定王謂隨會曰酬幣宴貨以示容合好遂啟疆曰宴有好貨又晉郤至告慶于周王叔簡公飲之酒交酬好貨皆厚飲酒宴語相說則古人燕賓未嘗不用酬幣特燕禮之文不備耳禮器曰琥璜爵鄭氏以爲天子酬諸侯諸侯相酬之禮又王饗號公晉侯皆

玉五駿馬三匹左氏不譏其物而譏其數之不異是天子饗諸侯諸侯相饗酬幣用玉也諸侯食大夫大夫相食以皮帛與錦則侑幣固有差矣然公食大夫三飯而後侑則每舉不侑秦后子享晉侯歸取酬幣終事八反而每爵必酬非禮也酬幣亦謂之侑侑幣不謂之酬故春秋傳享醴皆曰宥以侑者勸酬之通稱也公食大夫飲酒實觶春人凡饗食共其米餚人凡賓客共其簠簋之實饗食亦如之則食非無酒饗非無食特其所主者異耳

禮書卷第五十八終

禮書卷第五十九

宋 陳祥道用之 編

明 張溥西銘 閱

盛順順伯 參

燔瘞

大宗伯以禋祀祀昊天上帝以實柴祀日月星辰  
以槱燎祀司中司命飈師雨師以血祭祭社稷五祀五岳  
以狸沈祭山林川澤司巫凡瘞事守瘞鄭氏曰埋  
牲玉也詩曰  
曰芃芃棫樸薪之槱之文曰圭璧旣卒上下奠瘞詩序曰  
巡狩告祭柴望也書曰至于岱宗柴禮記曰天

子適四方先柴。又曰柴于上帝。又曰燔柴於泰壇。祭天也。瘞埋於泰圻。祭地也。又曰列祭祀。瘞繒。韓詩外傳曰。天子奉玉升柴。加於牲上而燔之。爾雅曰。祭天曰燔柴。祭地曰瘞埋。祭山曰殷。縣祭川曰浮沉。山海經曰。懸以吉玉。春秋之時。晉公子投璧于河。鄭駟帶與子上盟。用兩圭質于河。王子朝用成周之寶珪于河。蔡侯及漢執玉而沈。

曾子問曰。天子將出。必以幣帛皮圭告于祖禰。遂奉以出。反必告。設奠卒歛幣玉藏諸兩階之間。乃出。蓋貴命也。君薨而世子生。太祝執束帛升奠幣。

于殯東几上。遂朝奠小宰升舉幣。鄭氏曰。舉而下理之階閒。則宗廟之瘞在既事之後矣。祭天曰燔柴。祭地曰瘞埋。又周人尚臭。而升煙。瘞埋乃臭氣也。則天地之燔瘞柴。在行事之前矣。崔靈恩謂祭天以燔柴爲始。祭地以瘞血爲先。賈公彥謂天神中非直有升煙玉帛。牲亦有禮神者。以爲燔瘞在作樂降神之後。而禮神又燔瘞之後。則燔瘞之與禮神。固有二玉二帛二牲矣。然記曰。禮有以少爲貴者。祭天特牲。帝牛不吉。以爲稷牛。書曰。用牲于郊。牛二。則帝牛與稷

牛。凡二而已。謂帝牛有二。殆不然也。晉賀循謂燔牲左脰。漢用牲首。唐用牲脅。九箇其制不一。以宗廟之祭考之。升首所以報陽。則天地燔瘞固用首矣。漢用牲首。蓋禮意也。周官羊人凡釁積共其羊牲。大夫凡祭祀共其大牲。伏瘞亦如之。鄭康成曰。積柴禋祀。槱燎實柴。鄭司農曰。瘞謂埋祭。祭地曰瘞。埋則燔瘞用羊犬矣。此豈施於天地之從祀與夫次祀小祀者乎。周魏之間燔柴皆於祭末。郭璞云。祭天既祭。積柴燒之。祭地既祭。埋藏之。恐先王之時。祭祀事畢。亦有燔瘞之禮。其詳不可考也。詩

曰。圭璧旣卒。書金縢。稱周公曰。爾之許我。我其以璧與圭歸。俟爾命。則禮神之玉。其終固燔瘞矣。

守瘞

司巫凡祭事守瘞。鄭氏云。瘞謂若祭地祇。有埋牲玉者。守之者以祭禮未畢。若有所事。然祭禮畢。則去之。其說是也。唐之守瘞者。至於六旬。非古也。

釋幣

聘禮賓朝服釋幣于禰。天子諸侯將出告羣廟大夫告禰而已。凡釋幣設洗盥如祭。有司筵几于室中。祝先入。主人從入。主人在右。再拜。祝告。又再拜。釋幣。制玄纁束奠于几下。出玄纁之率。玄居

三朝貢禮云純三主人立于戶東祝立于牖西少頃尺制四丈入尺示有俟於神又入取幣降卷幣實于筭埋于西階東又釋

幣于行

行者之先其古人之名未聞天子諸侯有常祀在冬大夫三祀日門曰厲喪禮有毀宗廟行出于大門則行神之位在廟門外西方不言埋幣可知也

遂受命上介釋幣亦如之

如其於禰與行觀禮侯氏裨冕釋幣于禰釋幣者告則祝藏其幣歸乃埋之於禰西階之東

曾子問曰

君薨而世子生如之何孔子曰卿大夫士從攝主北面於西階南大祝裨冕執束帛升自西階盡等不升堂命母哭

諸侯之卿大夫所服裨冕絲冕也玄祝聲冕也士服爵弁服大祝裨冕則大夫祝聲

三告曰某之子生敢告升奠幣于殯東几上哭降

筵几

行釋奠鄭氏引曾子問曰凡告必用牲幣及釋曾子問則改牲幣爲制幣是自惑也孔穎達曰天子諸侯出入有告有祭故告用制幣卿大夫惟入祭而已故聘禮既使而反祭用牲也然禮凡告朔告至必用牲也孰謂天子諸侯之告不皆用牲耶皇氏熊氏謂天子告用牲諸侯不用牲此尤無據告雖或用牲而其他不用牲者多矣若國大貞則奉玉帛而詔號春秋傳曰凡天災有幣無牲月令仲春之月祀不用犧牲用圭璧更皮幣以至晉侯謀以息民魏絳請祿以幣更齊饑孔子請祿以幣玉

家語十

凡此視其事與時而

已

筐

詩曰不盈頃筐頃筐塈之女執懿筐維筐及管筐之筐之承筐是將序曰實幣帛筐筐以將其厚意易曰女承筐無實儀禮公食大夫簋實實于筐聘禮夫人使大夫餼賓上介米八筐衆介米六筐記曰凡餼大夫黍梁稷筐五斛禮記曰蚕則績而蟹有筐又曰具曲植籧筐又曰熬君八筐大夫六筐士四筐毛氏曰筐畚屬說文曰方曰筐圓曰籧蓋筐有頃筐有懿筐有大筐有小筐頃筐其淺者也。

懿筐其深者也。大筐實五斛。小筐實績熬幣帛簋實而已。筐正也。其深淺大小雖殊。而其制皆方。

筐

詩序曰實幣帛筐筐禹貢厥筐玄纁而織文絲縞之類皆以筐儀禮壘洗之西皆有筐又有上筐下筐膳筐之辨則上筐在堂下筐在庭膳筐特饌君子爵而已。筐之爲物可以盛幣帛可以盛勺觶可以盛苴茅。士虞苴利茅長五寸束之實于筐可以代昕俎。士虞佐食受肺膏實于筐可以實黍稷肆師大朝覲佐儻共設筐罍此筐之實黍者也。公食大夫豆實實于罍簋實于筐。

而筐者筐類也。其用以實筐實宜矣。鄭氏曰：筐其筐字之誤歟？不必然也。鄭氏又曰：筐竹器如筭說文曰：筐如竹筐，筐有蓋。是以舊圖筐亦有蓋。

卷五十九終

